

razgovara.
Hajrudin SOMUN

Pošto mu je Azam al-Ahmed, član najužeg palestinskog rukovodstva i česti emisar kod stranih vlada, prethodno rekao da će se susresti s Abu Lejlom, kako me još pamte Palestinci iz stare palestinske garde, nije bilo teško obnoviti posebnu prisnost koja se odmah uspostavila s predsjednikom palestinske države Mahmoudom Abbasom. Kad su mu rekli da sam se, učestvujući na jednom palestinskom seminaru, zatekao u Amanu za vrijeme „crnog septembra“ 1969, marširajući ulicama dok su jordanske trupe pucale u demonstrante, rekao je:

„Pa i ja sam tamo bio, možda smo se sreli!“

„Da, sjećam se tada mlađahnog, a ni sada baš ostarjelog Abu Mazena, kako vas i sad vaši zovu“, dodao sam, „ali ja sam se više viđao s Abu Lutufom, poznatim Arafatovim šefom za vanjsku politiku Farukom Kadumijem“. Zatim mu je Azam ispričao o našem posebnom prijateljstvu, kako su

nam se kcen igrati kao djevojčice i kako je svih ovih gotovo tri decenije čekao priliku da me vidi, pa je zato molio svog šefa da ga povede u Sarajevo.

Pravo na državu

Bilo je to u ponedjeljak, poslije Abbasovih susreta s članovima Predsjedništva i ministrom

NISMO PROTIV IZRAELA Članovi Predsjedništva BiH su podržali palestinska prava na državu i život u miru sa izraelskom državom, a ja sam im objasnio koji su naši ciljevi, da mi nismo protiv Izraela, nego smo za nastavak dijaloga

vanjskih poslova BiH Svenom Alkalajem. Kao što to svuda biva, strancima nikad dosta objašnjavanja Bosne i nikad dovoljno da je shvate. Koliko god je o to-

me čuo od svog ambasadora Halida Alatraša, bilo mu je zanimljivo da još više čuje o tom našem grupnom šefu države i o svakom njegovom članu. A kad sam mu rekao za porodični pedigré Svena Alkalaja, rekao je, kao i mnogi drugi, „Pa to je pravi Bosanac, što sam i sam osjetio“. Pošto se sa svojim saradnicima već bio dogovorio da ne daje pojedinačne intervjue – čini mi se zbog razlike koja postoji među medijima o svesmu, pa i Palestini – zamolio sam ga da napravi izuzetak s Oslobođenjem, najstarijim bosanskim dnevnikom koji je mnoge stranice posvetio podršci Palestincima. Prihvatio je, ali da to učini samo Abu Lejla, sutradan poslije zajedničke pres-konferencije.

I tako smo se jučer, poslije susreta s medijima, izdvojili u posebnu prostoriju Bristola, gdje smo, prije odlaska na aerodrom, nastavili razgovor iz prethodnog dana i obavili nešto što i jeste i nije intervju, a teklo je ovako:

„Maloprije ste rekli novinari da su sva tri člana Predsjedništva izrazila podršku palestinskoj stvari i namjeri da u

»
V
I
J
E
S
T
I
»

Izetbegović - Stojanov



Prilika i za pomoć BiH

Član Predsjedništva BiH Bakir Izetbegović primio je predsjednika Centra za globalni dijalog i saradnju Petra Stojanova, bivšeg predsjednika Bugarske, te generalnog sekretara ove organizacije Stamenana Stančeva. Stojanov je zahvalio Izetbegoviću za učešće na konferenciji koju je Centar nedavno organizovao u Beču. Gosti su informisali Izetbegovića o aktivnostima Centra, naročito o projektu stipendiranja 65 studenata sa područja zapadnog Balkana za program Javne uprave i menadžmenta na Univerzitetu u Beču. Izetbegović je izrazio nadu da će u budućnosti biti prilike da ovaj centar pomogne BiH.

Nikšić - Knotz



Svestrana podrška Njemačke

Premijer FBiH Nermin Nikšić primio je jučer u nastupnu posjetu novoimenovanu ambasadoricu SR Njemačke u BiH Ulrike Mariju Knotz. Razgovarano je o unapređenju sveukupnih bilateralnih odnosa dvije zemlje, saopćeno je iz Vlade FBiH. Ambasadorica Knotz je kazala da Njemačka i dalje ostaje snažno privržena unapređenju odnosa unutar BiH, napominjući da je interes njene zemlje da BiH postane funkcionalna država koja će raditi za korist i dobrobit svih njenih građana. U tom smislu, dat ćemo svoj puni doprinos, dodala je, naglašavajući važnost poboljšanja i ekonomskih prilika u BiH.